

# Međunarodni dan žena

8. mart 2023. godine

*DigitALL: Inovacija i tehnologija za ravnopravnost spolova*

Međunarodni dan žena je prilika za sviju nas da istaknemo doprinos žena i djevojaka u održivoj budućnosti planete i svih ljudi širom svijeta. No moramo istaknuti i da rodne nejednakosti i dalje rezultiraju time da žene nose veći teret od degradacije i gubitka biološke raznolikosti širom svijeta. Shodno tome članice Konvencije o biološkoj raznolikosti su se obavezale na rješavanje takve nejednakosti: nejednakosti koje također ograničavaju prava žena i pristup biodiverzitetu i prirodnim resursima.

U decembru 2022. godine, članice Konvencije o biološkoj raznolikosti su usvojile Rodni plan akcije sa ciljem da se ženama osigura jednak pristup resursima, uslugama i tehnologiji i da se podrži njihov angažman u upravljanju, očuvanju i održivom korištenju biološke raznolikosti. Ovo također uključuje i pristup obrazovanju, edukaciji, treninzima i relevantnim informacijama.



Ravnopravnost spolova je također ključna tema nedavno usvojenog Globalnog okvira za biodiverzitet, Kunming Montrea globalni okvir za biodiverzitet (GBF). Navedeni okvir naglašava da će se ostvariti uspješnija implementacija kroz osiguravanje rodne ravnopravnosti i osnaživanje žena i djevojaka. To se također navodi i kroz određene uspostavljene ciljeve, kao što je Cilj 22. koji odražava važnost pristupa informacijama vezanim za biodiverzitet od strane autohtonog naroda, lokalnih zajednica, žena i djevojaka. Još jedan cilj koji osigurava rodnu ravnopravnost je Cilj 23. koji ističe da sve žene i djevojke imaju jednake mogućnosti i kapacitete da doprinesu ciljevima Konvencije, uključujući i priznavanje njihovih jednakih prava i pristupa zemljištu i prirodnim resursima.

Ovo je jasna poruka da se transformativna promjena ne može postići bez inkluzivnih, pravednih i rodno odgovornih donešenih odluka. Stoga implementacija Globalnog okvira za biodiverzitet Kunming Montreal,

će riješiti mnoge izazove koji su pred nama, a inovacija i tehnologija će biti jedna od suštinskih važnosti za njihovu podršku.

Stoga, ove godine 8. mart obilježavamo u duhu rodne ravnopravnosti u inovacijama i tehnologiji. Moramo raditi na smanjenju digitalnog rodnog jaza, te osigurati ženama i djevojkama pristup tehnologiji i digitalnim alatima. Sretan 8. mart svim ženama i djevojkama širom svijeta!